



«Mottakernavn»

«Adresse»


«Postnr» «Poststed»

«Kontakt»

Saksbehandlar, innvalstelefon

Magnus Johan Steinsvåg, 5557 2325

Vi startar vernearbeid av Husedalen naturreservat i Ullensvang



Parti med gamal blandingsskog i Husedalen. Foto: M.J. Steinsvåg.

I dialog med grunneigarane, og Framtre (tidlegare AT Skog) og Norskog, melder vi formell oppstart av Husedalen naturreservat i Ullensvang kommunane.

Føremålet med dette brevet er å informere om prosessen som no startar opp etter naturmangfaldlova, og for å innleie til medverknad og innspel frå aktuelle partar.

Området er i Kinsarvik på austsida av elva Kinso og vil grense til Hardangervidda nasjonalpark. Vernet vil omfatte skog i Bråvollii, Åsmarki og Kinnalii. Med vern at dette svært viktige skogområdet, vil det vere eit samanhengande verna natur nesten heilt frå sjøkanten med Hardangerfjorden til Hårteigen på Hardangervidda.

Området omfattar ein av dei best utvikla og truleg eldste furuskogane i Hardangerregionen. Store delar av skogen har urskogpreg og har lang kontinuitet. Det vart i 1986 målt alder (trebor) på fleire furutre som i dag vil vere mellom 380 og 470 år (Moe 2001). Sjeldne, trua og kravfulle artar knytt til naturskog er registrert. I tillegg til gamal naturskog, er det også innslag av kalk - og lågurfuruskog, rik edellauvskog og eldre skogbrannfelt.

Det tilbode område for frivillig skogvern omfattar eigedomane gnr/bnr: 238/2, 239/1, 239/2, 239/3, 239/4, 239/5, 239/6 og 239/219. Totalt er området på 4 308 dekar, derav 3 878 dekar skog og 2 390 dekar produktiv skog.



Plan - og inngrepsstatus

I gjeldande kommuneplan (av 16.12.2011) har området føremålet landbruk, natur- og friluftsføremål (LNFR). Store delar av området har omsynssyne «bevaring naturmiljø» i tillegg til ras- og skredfare. I eit mindre parti langs begge delar av elva Vivippo har arealføremål «spreidd næringsbebyggelse». Slik vi forstår det er dette knytt til eksisterande småkraftverket Kinnali Kraft AS. Naturprega og skogkledde delar av Ullensvang skytebane med arealføremål idrettsanlegg, er også innafor dette tilbodsområdet for vern. Det er ingen kraftlinjemaster eller andre større tekniske inngrep innafor verneframlegget.

Nasjonale naturverdiar

Furuskogen representerer ein høgdegradient frå lågland til fjell, der naturreservatet vil få direkte kontakt med Hardangervidda nasjonalpark i søraust. Området har blitt kartlagt og vurdert som svært verneverdig i fleire omgangar, blant anna ved barskogverneplanen i 2001, og sist i 2022 som ein del av dette frivillig skogvernarbeidet. Gjennom naturtypekartlegginga (dn13 kartleggingsmetode) i 2010, vart det kartfesta tre største naturtypelokalitetar av gamal furuskog og vekta til nasjonal verdi. To naturtypelokalitetar av haustingsskog med edellauvtre er også innafor verneframlegget ved Svarthammar og er høvesvis vekta til nasjonal og regional verdi.

Området er som heilskap dominert av gammal furuskog, men har stor variasjon i eksposisjon og småskalatopografi, og har dermed òg svært variert vegetasjon. I hovudsak er det snakk om ein gammal, kompakt og virkesrik furuskog, med bra innslag av boreale lauvtre som bjørk, osp og dels rogn. I tillegg veks alm, gråor, hassel, eik, hegg, alm, lind og selje. I høgareliggande område er skogen urskogs nær og har lang kontinuitet. Det vart i 1986 målt alder (trebor) på furu som i dag vil vere 470 år (Moe 2001). Osp er også til stades som eigne, gamle suksesjonar. Både blåbærskog og røsslyngskog er representert, men viktigare for naturmangfaldet er nokså store område med småbregneskog og mindre parti med lågurtskog, ofte med spreidde høgstaudar. Denne naturtypen, lågurt- kalkfuruskog er nasjonalt raudlista. På meir skrinne og tørre



I gamal naturprega skog vil det vere både liggande og ståande døde tre. Det er livsviktig levestand for svært mange artar. Her eit parti frå Kinnalii i Husedalen. Foto: M.J. Steinsvåg. ©



parti, finn ein lavfuruskog som er ein austleg skogtype.

Den gamle furuskogen innafor området vert vurdert til å ha viktig funksjon for vedbuande sopp og insekt. Liggande, død lauvved er utbreidd, dels i grove dimensjonar, og av furu er det meir spreidde førekomstar av gadd, læger og høgstubbar. I eit om lag 100 dekar stort område mellom Branden og Orreleikane, er det yngre skog etter ein skogbrann på 1960-talet.

Artsfunn under kartleggingane er med og understøttar kvalitetane i dette naturprega skogområdet. Tyrikjuke (NT) vart registrert under skogvernkartlegginga på tre lokalitetar innafor verneframlegget. Soppen er ei sjeldan kjuke med tilhald i gamal furuskog, der den veks på døde liggande furustammer av kelo-type. Hornskinn (VU) er ein sjeldan og trua sopp avgrensa til naturskog av furu der den også veks på kelo-læger. Også sopp knytt til gamal lauv- og blandingsskog vart registrert under skogvernkartlegginga. Ospekvitjuke (NT) er ei sjeldan kjuke som veks på gamle liggande stammer av osp (ospelæger). Furustokkjuke (NT) vart funnen på fleire lokalitetar under kartlegginga. Dette er ein karakterart i naturskog med furu, der den har ein nøkkelfunksjon i økosystemet ved å danne holrote som gjev hule tre som mange andre artar, særleg insekt, er avhengige av.

Det er særleg gunstig at lågareliggande produktiv furuskog langs elva Vivippo er inkludert i verneframlegget. I tillegg vil verneframlegget sikra ein fin gradient av svært viktig skog frå lågland på 60 moh. til fjellprega skog opp mot 600 moh.

Samanhengande område og økologiske nettverk

Vern av Husedalen gjer at det vil vere samanhengande vern av svært viktig skognatur frå lågland i Kinsarvik ved Hardangerfjorden, til furuskogen som endar inne i Hardangervidda nasjonalpark. Vernet vil doble sikring av naturskog i dalføret. Det vil føre til at populasjonar av artar, og alle naturtypar, vert meir robuste til å stå i mot påverknad utanfrå i tillegg til klimaendringar.

Vernet vil dekke manglar i skogvernet

Vern av området vil bidra til å dekke manglar i skogvernet innan kalk - og lågurtfuruskog, rik edellauvskog, lågurtedellauvskog og gamal furuskog (urskognær). Verneframlegget er innafor sørboreal og mellomboreal vegetasjonssone.

Kvifor vern av skog?

Artsdatabanken, den nasjonale kunnskapsinstitusjonen for naturmangfald, reknar med at om lag 60 prosent av alle artane på fastlandet i Noreg har skog som levestad. Totalt 90 prosent av dei truga raudlisteartane vert negativt påverka av menneskelege arealendringar. Inngrep som følgje av utbygging og skogbruk er blant dei viktigaste faktorane. Å ta vare på mest mogleg intakte skogområde er blant dei viktigaste tiltaka vi kan gjere for å ta vare på vestlandsnaturen for framtida.

Mål om 10 prosent vern av skogen i Vestland

Det er eit nasjonalt mål å redusere tap av naturmangfald, og som eit ledd i dette har regjeringa ei langsiktig målsetjing om at 10 prosent av skogen i Norge skal bli verna. Med berre drygt 3,4 prosent av skogen verna, er vi enno langt unna dette målet i Vestland. Frivillig skogvern har fått ei styrka økonomisk ramme i 2026 og ordninga vil vere viktig for å sikra viktig skognatur i åra som kjem.

Dette er eit vern der staten er heilt avhengig av at grunneigaren sjølv ønskjer dette. Ved vernevedtak har grunneigarane akseptert det økonomiske tilbodet frå staten.

Kva betyr det at eit område vert verna?

For å ta vare på store og sårbare naturkvalitetar i eit område er det nødvendig med ei verneform som sikrar mot inngrep. Det er difor ønskeleg å verne om områda som naturreservat etter naturmangfaldlova § 37. Ei slik verneform vil i utgangspunktet forby aktivitetar og nye anlegg som kan skade verneverdiane i naturreservatet. Vernet vil òg føre til visse restriksjonar på bruk av området, både når det gjeld hogst og andre inngrep.

Kinnalii Kraft AS fekk i 1995 konsesjon til småkraftverk i elva Vivippo. Både inntak og sjølve kraftverket ligg utafor verneframlegget. Vernet vil såleis ikkje få følgjer for vedteken drift av småkraftverket.



Ved Husemoen er det skytebane. Dette anlegget, inkludert nedslagsfeltet til skytebanen ligg utanfor verneforslaget, og vil ikkje bli påverka av vernet. Delar av omkringliggande areal er inkludert i reguleringsplan som skytebane. Dette arealet er naturprega, og er tilbydt verna frå skogeigar og er inkludert i dette verneframlegget. Så vidt vi kjenner til fungerer dette arealet mest som buffersone til skytebanen. Slik vi vurderer det, vil det å la området stå urørt, og inkludere arealet i verneområdet, ikkje vere unaturleg. Vi ønskjer gjerne innspel frå Ullensvang kommune på dette.

Etter vernevedtak for Husedalen naturreservat, vil grunneigar framleis ha rett til jakt, fangst og fiske, og ålmenta vil framleis kunne plukke matsopp og bær. Dronningstien gjennom Husedalen vil ligge nedafor verneområdet. Turstiar som går gjennom verneområdet vil kunne haldast ved like, det vil også gjelde skogsveg som går inn i verneområdet. I høyringa som er neste steg i verneprosessen, vil vi presentere forslag til verneforskrift for Husedalen naturreservat.

Innspel og vidare framdrift

Det er ønskeleg med innspel på verneforslaget slik at prosessen og tema kan verta så opplyst som mogleg. Når innspel til denne oppstartsmeldinga er vurdert, vil Statsforvaltaren sende eit meir detaljert forslag til vern på høyring. Då vil også verneforskrift vere inkludert.

Meir informasjon om naturkvalitetane, kartavgrensing og bilete frå områda finn du på nettstaden vår <http://www.statsforvaltaren.no/vestland> under sida «Høyringar». Her kan du også sende inn innspel til denne oppstartsmeldinga.

Du kan også sende innspel med brev til Statsforvaltaren ved miljøavdelinga, Njøsavegen 2, 6863 Leikanger, eller per e-post til sfvlpost@statsforvalteren.no. Vi har også ei eiga temaside om frivillig skogvern med generell informasjon om ordninga.

Frist for å kome med innspel er 12. april

I adresselista har vi forsøkt å få med alle dei aktuelle høyringspartane vi veit om. Dersom de finn feil eller veit om fleire partar som de meiner burde ha fått brevet ber vi om tilbakemelding om dette.

Med helsing

Aslaug Aalen
miljødirektør

Eline Orheim
seksjonsleiar

Dokumentet er elektronisk godkjent

Vedlegg:

1 Vernekart: Husedalen naturreservat

Kopi til:

Framtre
Norskog
Miljødirektoratet

**Mottakarliste:**

Kommunal- og moderniseringsdepartementet	Postboks 8112 Dep	0032	OSLO
Norges vassdrags- og energidirektorat - NVE	Postboks 5091 Majorstua	0301	OSLO
Landbruksdirektoratet	Postboks 56	7701	STEINKJER
Vest politidistrikt	Postboks 85	6901	FLORØ
Direktoratet for mineralforvaltning med Bergmesteren for Svalbard	Postboks 3021 Lade	7441	TRONDHEIM
Vestland fylkeskommune	Postboks 7900	5020	BERGEN
Luftfartstilsynet	Postboks 243	8001	BODØ
Forsvarsbygg	Postboks 405 Sentrum	0103	OSLO
Avinor	Postboks 150	2061	GARDERMOEN
Kystverket	Postboks 1502	6025	ÅLESUND
NTNU	Postboks 8905	7491	TRONDHEIM
Høgskulen på Vestlandet	Postboks 7030	5020	BERGEN
Norsk institutt for bioøkonomi	Postboks 115	1431	ÅS
Forum for Natur og Friluftsliv i Hordaland v/ Bergen Turlag	Tverrgt. 4/6	5017	BERGEN
Det norske skogselskap			
Den Norske Turistforening	Youngstorget 1	0181	OSLO
Fiskeri- og Havbruksnæringens Landsforening	Postboks 5471 Majorstuen	0305	OSLO
Fortidsminneforeningen	Dronningens gate 11	0152	OSLO
Friluftslivets Fellesorganisasjon	Nedre Slottsgate 25	0157	OSLO
Friluftsrådernes Landsforbund	Gamle Drammensvei 203	1337	SANDVIKA
Havforskningsinstituttet	Postboks 1870 Nordnes	5817	BERGEN
Norsk institutt for naturforskning	Postboks 5685 Torgarden	7485	TRONDHEIM
KS - Kommunesektorens organisasjon	Postboks 1378 Vika	0114	OSLO
Natur og ungdom	Postboks 4783 Sofienberg	0506	OSLO
NHO Reiseliv	Postboks 5465 Majorstuen	0305	OSLO
Norges Bondelag	Postboks 9354 Grønland	0135	OSLO
Norges Jeger- og Fiskerforbund	Postboks 94	1378	NESBRU
Norges Geologiske Undersøkelse	Postboks 6315 Torgarden	7491	TRONDHEIM
Norges Handikapforbund	Postboks 9217 Grønland	0134	OSLO
Norges Miljøvernforbund	Postboks 539	5806	BERGEN
Norges Naturvernforbund	Miljøhuset, Marieboesgate 8	0183	OSLO
Norges Orienteringsforbund	Postboks 5000	0840	OSLO
Norges Skogeierforbund	Postboks 1438 Vika	0115	OSLO
Norsk Biologforening	Postboks 1066 Blindern	0316	OSLO
Norsk Bergindustri	Postboks 7072 Majorstuen	0306	OSLO
Norsk Bonde- og Småbrukarlag	Akersgata 41	0158	OSLO
Norsk Botanisk Forening	c/o Naturhistorisk museum, Postboks 1172 Blindern	0318	OSLO
Norsk Industri	Postboks 7072 Majorstuen	0306	OSLO
Norsk Organisasjon for Terrengsykling NOTS	Postboks 7079 St. Olavsplass	0130	OSLO
Norsk Ornitologisk Forening	Sandgata 30 B	7012	TRONDHEIM
Norsk Sau og Geit	Postboks 104	1431	ÅS
Norskog	Postboks 123 Lilleaker	0216	OSLO
Norsk Zoologisk Forening	Boks 102 Blindern	0314	OSLO
Sabima	Mariboegate 8	0183	OSLO
Statens Kartverk	Postboks 600 Sentrum	3507	HØNEFOSS
Statkraft SF	Postboks 200 Lilleaker	0216	OSLO
Statnett SF	Postboks 4904 Nydalen	0423	OSLO



Technogarden	Vestfjordgaten 4	1338	SANDVIKA
Universitetet i Bergen	Postboks 7800	5020	BERGEN
Universitetet i Tromsø - Norges arktiske universitet	Postboks 6050 Langnes	9037	TROMSØ
WWF Verdens naturfond	postboks 6784 St. Olavs Plass	0130	OSLO
Naturhistorisk museum	Postboks 1172 Blindern	0318	OSLO
Norges Miljø- og Biovitenskapelige Universitet	Postboks 5003	1432	ÅS
Vegdirektoratet	Boks 8142 Dep.	0033	OSLO
Stadnamntenesta på Vestlandet	Postboks 7805	5020	BERGEN
ULLENSVANG KOMMUNE	Opheimsgata 31	5750	ODDA
KINNALI KRAFTVERK AS	Huse	5780	KINSARVIK